



Golf Savez  
Bosne i Hercegovine  
Golf Association  
Bosnia and Herzegovina

**PRAVILNIK O  
DOBIVANJU DOZVOLE ZA IGRANJE (DI)  
U Bosni i Hercegovini**

# **1. OPĆE/OPŠTE ODREDBE**

## **Član 1.**

Novi igrači odnosno članovi golf klubova u Bosni i Hercegovini, koji namjeravaju igrati golf, moraju dokazati da dovoljno poznaju osnovna pravila igranja golfa i da imaju dovoljno igračke vještine za dobivanje dozvole za igranje odnosno dobivanje klupskog početnog handicapa 54 a prema Pravilniku o vođenju HCP-a).

## **Član 2.**

Predlaže se osobama koje dobiju Dozvolu za igranje da postanu ili već jesu članovi kluba, odnosno kluba koji je član GABiH.

Dobivena dozvola za igranje ne vrijedi ako osoba (ličnost) ne ispunjava uvjete (uslove) zbog prebacivanja članstva ili mirovanja članskih prava prema odluci kluba ( u slučaju da osoba (ličnost) nije podmirila svoje obaveze prema matičnom klubu ili da je protiv nje pokrenut disciplinski postupak u matičnom klubu).

## **Član 3.**

Dozvola za igru je uvjet za dobivanje Exact HCP-a (54) koji igrač ili igračica odigra na turniru koji vrijedi za promjenu HCP-a.

## **2. NADLEŽNOST I ORGANIZACIJA ISPITA ZNANJA**

### **Član 4.**

GABiH je odgovoran za donošenje pravila i mjerila za provođenje ispita znanja koji dovode do dozvole za igranje. Za izradu ovog Pravilnika su u sklopu GABiH odgovorni su:

- Odbor za handicap i
- Tehničko natjecateljski (takmičarski) odbor GABiH.

### **Član 5.**

Klub član GABiH-a ili golf igralište, mogu organizirati izvođenje teoretskog ispita znanja ako ispunjavaju sljedeće uvjete:

#### **KOMISIJA 2 člana**

1. Član komisije je licencirani član ispred GABiH-a (imenuje GABiH)
2. Istaknuti član matičnog kluba ili igrališta

Prijedlog za Licencu GABiH-a dostavljaju klubovi koji su članovi GABiH-a i to Odboru za HCP. Odbor za HCP odbacuje ili predlaže Izvršnom odboru GABiH-a da se dodijeli licenca određenim članovima kluba koji mogu potpisati teoretski dio ispita. U slučaju da se odbije zahtjev za licencom GABiH-a, pismeno se obrazlažu razlozi negativnog odgovora i dostavljaju u klub najkasnije 7 dana od prijema istog.

Žalba na Odluku Odbora predaje se IO.

Izvršni odbor GABiH-a donosi konačnu odluku bez prava na žalbu.

### **Član 6.**

Praktični dio ispita organizuje osoba sa licencom PGA ili instruktori golfa Golf Asocijacije Bosne i Hercegovine

### **Član 6.**

Kandidat je dužan ispuniti Obrazac, uplatiti iznos za ispit, koji odredi GABiH za tekuću godinu (sredstva se uplaćuju organizatoru ispita). Kandidat je dužan dostaviti ispunjen Obrazac organizatoru ispita kako teoretskog tako i praktičnog dijela ispita.

Organizator ispita je dužan u roku od 10 dana obavijestiti kandidata kada pristupa ispitu.

Organizatori ispita moraju osigurati da kandidat polaže ispit znanja u roku 20 dana od datuma prijave.

Svaki kandidat dobije pri predočenju uplate brošuru Pravila golfa i dokument u kojem su navedena pitanja iz pismenog ispita znanja. Klub može dodijeliti brošuru "Pravila Golfa" kandidatu.

### **3. PRAVILA ZA PRISTUPANJE ISPITU**

#### **Član 7.**

Ispit uključuje teoretski i praktični dio. Kandidat mora položiti ispit znanja u roku 6 mjeseci od prijave. Prije prijave teoretskog dijela ispita kandidat mora dostaviti kopiju **potvrde** o završenom kursu golfa kod priznatog PGA učitelja ili kod instruktora golfa Golf Asocijacije Bosne i Hercegovine.

#### **a. Teoretski ispit – Pravila i etika golfa**

Obrasce za pismeni ispit znanja donosi GABIH. Svi obrasci označeni su različitim serijskim brojem te ih kandidat dobiva u zatvorenoj omotnici. Broj koji se nalazi na obrascima je ujedno i broj kandidata koji se vodi u Evidenciji GABIH-a.

Kandidat ispitna pitanja i odgovore vraća u omotnici koju dobije zajedno s obrascem.

Zatvorena omotnica predaje se ispitnoj komisiji organizatora ispita koja pregleda ispunjeni obrazac i odmah po završetku ispita predočava rezultat ispita.

Pitanja za ispite GABIH javno objavljuje na stranici <http://www.bhgolf.ba/gabih/>

Pitanja za svakog kandidata sastavljena su isključivo iz objavljenih pitanja.

Ispit traje najviše 60 minuta pred ispitnom komisijom.

#### **b. Teoretski ispit za odrasle – 15 godina i stariji**

Pod nadzorom komisije kandidati polažu ispit iz pismenog dijela (10 pitanja iz etike golfa i 20 pitanja iz pravila golfa).

Kandidat odgovara s DA ili NE ili zaokružuje odgovore pod A), B) ili C).  
Kandidat je uspješno položio ispit ako točno odgovori na 70% pitanja (21 od 30).

#### **c. Teoretski ispit za djevojčice i dječake – 14 godina i mlađi**

Ispitna komisija odlučuje da li će kandidat polagati ispit usmeno ili pismeno.  
U pravilu, ispitna komisija odabire pismeni ispit za dob između 13 i 14 godina, dok mlađi pristupaju usmenom ispitu.

1. Ako komisija izabere pismeni ispit, kandidat dobiva 3 pitanja iz etike golfa i 7 pitanja iz pravila golfa. Kandidat će uspješno položiti ispit ako točno odgovori na 7 od 10 pitanja.

2. Ako se komisija odluči za usmeni ispit, postavlja kandidatu pitanja s već ponuđenim odgovorima. Kandidat će uspješno položiti ispit ako točno odgovori na 7 od 10 pitanja (70%).

Nakon uspješno položenog ispita znanja teoretskog dijela, kandidat ima pravo uz nazočnosti člana GABIH ili člana kluba, koji ima valjani HCP (kategorija 0-24) i kad to dopusti upravitelj igrališta, prije praktičnog dijela ispita provjeriti sposobnosti svojeg igranja na igralištu.

Broj odigranih rundi je ograničen na 8.

## **Praktični ispit na igralištu – igra na 9 rupa**

### **Član 8**

Klub član GABIH-a ili golf igralište, mogu organizirati izvođenje praktičnog dijela ispita znanja ako ispunjavaju sljedeći uvjet:

- Angažuje priznatog PGA učitelja ili instruktora golfa Golf Asocijacije Bosne i Hercegovine koji je odgovoran je za praktični dio ispita
- Ako je kandidat položio Teoretski dio ispita
- Ako je završio kurs kod instruktora golfa Golf Asocijacije Bosne i Hercegovine ili ako je završio kurs kod priznatog člana PGA, što dokumentuje potvrdom o završenom tečaju.

### **Član 9**

Cijenu praktičnog dijela ispita određuje GABIH.

Praktičnom dijelu ispita se pristupa tek kada je položen teoretski dio ispita. Organizator ispita dostavlja obrazac o položenom teoretskom dijelu ispita zajedno sa kovertom sa pitanjima pojedinog kandidata na kojem se nalazi broj. Koverta se dostavlja Instrukturu golfa Golf Asocijacije ili PGA učitelju koji vode praktični dio ispita.

Način ispita je sljedeći:

- igra se individualni stableford
- kandidat ima na raspolaganju 2 ½ sata za igru na 9 rupa.

Tijekom ispita, kandidat se ocjenjuje prema poštivanju pravila golfa i načinu ponašanja na igralištu u skladu s etikom golfa.

Ocjene za kandidata jesu:

- brzina izbora palice i pripremljenost na sljedeći udarac
- sposobnost provjere da su igrači ispred dovoljno daleko
- da ne ugrožava suigrača i druge igrače na igralištu
- da svojim ponašanjem ne ometa suigrača i druge igrače na igralištu
- racionalno kretanje po igralištu i na greenu te odlaganje opreme (palice, golfska torba, golfski auto itd.)
- da popravljiva otiske od loptice na greenu, divote i pješčane prepreke
- da pravilno označuje lopticu na greenu
- da ne hoda po liniji putta suigrača
- da zna pravilno pisati podatke na rezultatskoj kartici
- da zna pravilno ispuštati lopticu

Na Obrazac se upisuje ocjena igranja i sposobnost kandidata.

Da bi položio ispit, kandidat mora na 9 najbolje odigranih rupa imati 9 stableford bodova i pozitivno mišljenje da su njegova igra i ponašanje u skladu s Pravilima i etikom golfa.

Ako kandidat uspješno položi praktični dio ispita Instruktor golfa Golf Asocijacije Bosne i Hercegovine ili PGA učitelj mu dodjeljuje diplomu o završenom kursu, a kopiju dostavlja u evidenciju GABIH-a.

## **Član 9.**

### **b. Ponavljanje ispita**

Ako kandidat ne položi ispit uspješno, može ponovno pristupiti ispitu unutar 6 mjeseci. Nakon isteka predviđenog roka od 6 mjeseci, kandidat mora ponoviti cijeli postupak uključujući prijavu, plaćanje ispita znanja, teoretski i praktični dio ispita.

## **Pohranjivanje podataka provjere znanja**

### **Član 10**

PGA učitelj ili instruktor golfa su zaduženi da nakon uspješnog ispita znanja pošalje svu dokumentaciju u GABIH koji će pohraniti sve podatke u središnju bazu igrača s dozvolom za igranje.

Kada igrač sa DI izvrši obaveze prema matičnom klubu, klub uplaćuje iznos Prema Pravilniku o HCP-u za evidenciju HCP-a.

### **Član 12.**

U slučaju da su ispiti položeni izvan Bosne i Hercegovine, igrač je obavezan donijeti potvrdu od priznatog PGA učitelja kako bi se vodila evidencija HCP-a (Pravilnik HCP), a za članstvo u Klubove prema Statutu klubova u Bosni i Hercegovini.

### **Član 13**

Igrač koji nije u evidenciji HCP-a može učestvovati na turniru (ako odobri organizator) ali nemože osvajati nagrade na turnirima. Predlaže se oragnizatorima turnira da igrač koji nisu na listi HCP-a bilo da ima DI ili HCP ispod 54, ne dozvole igranje na turniru.

Igrači koji dolaze izvan Bosne i Hercegovine imaju svoju matičnu Asocijaciju koja vodi HCP.

## **4. ZAVRŠNE ODREDBE**

### **Član 11.**

Pravilnik vrijedi od dana objave na Portalu [www.bhgolf.ba](http://www.bhgolf.ba)

Predsjednik  
Jasmin Selmanagić

Sarajevo, 15.03.2009. godine  
Izmjena i dopuna Pravilnika 15.02.2011.